



XM 2018/17

24/5-2018

Randi Vestergaard Evaldsen

2019-imi akileraarutitigut ilanngaattissat il.il. imatut angissusilerneqarnissaannik Inatsisartut aalajangiinissaannik siunnersuut:

1. Inummut ilanngaat.....kr. 48.000 (ukiumut)
2. Ilangaat aalajangersimasoq.....kr. 10.000 (ukiumut)
3. Aningaasarsiat B-t akileraaruteqaataasussaannigitsut..kr. 5.000 (ukiumut)
4. Killilimmik akileraartussaataasut ilanngaataat.....kr. 1.000 (ukiumut)
5. Kommunitut ataatsimut akileraarut.....6%

(Aningaasaqarnermut Naalakkersuisoq)

(Siullermeenera)

Demokraatiniit siunnersuut ima paasivarput manna aqqutigalugu Naalakkersuisut akileraarnermut ilanngaat atuuttoq 2019-mi ingerlatiinnarniaraat. Tamanna tusaatissatut tiguarput.

Taamatulli oqareerluta uangutsinnut pingaaruteqarpoq erseqqissassallugu, nunatsinni pisariaqartilluinnaqarmat akileraartarnikkut aaqqissuussisoqarnissaa. Akileraartarnikkut aaqqissuussinerup qularnaassavaa sulinerup annertuumik imminut akilersinnaajuaannarnissaa pisortanit pilersorneqarnermut isumalluuteqarnermullu naleqqiullugu.

Tassunga atatillugu Demokraatiniit arlaleriaqaluta oqaatigisarnikuuarput sulinermut ilanngaatip eqqunneqarnissaa aammalu paasivarput Naalakkersuisut naalakkersuisoqatigiinnermut isumaqatigiisummini tamanna aamma taasimagaat. Tassunga atatillugu apeqqtissaqarpunga:

1. Naalakkersuisut takorloonerlugu sulinermut ilanngaataalerumaartussaq ullumi oqaluuserisatsinnut ilanngaatinut sunniuteqassasoq?

2. Naalakkersuisut naalakkersuisoqatigiinnermut isumaqatigiisummini allapput: *"Suliffeqarnermi ilanngaat 2019-imiit aallartittumik eqqunneqassaaq isertitakinnernut akunnattumillu isertitaqartartunut annertusiartuaartumik iluaqusiisumik."* Naalakkersuisut taamaasillutik suliffeqarnermi ilanngaat akissarsiaqqortunerit immikkut akileraarnerusalernissaasa (topskat) eqqunneqarnissaanut atorniarnarlugu?

3. Naalakkersuisut pilersaaruteqarnerlutik ataasiartumik suliniutitut suliffeqarnermut ilanngaat eqqunniarlugu imaluunniit ilanngaat eqqunniarnarlugu akileraartarnikkut iluarsartuussinissap



ilaatut? Aamma Naalakkersuisunut oqaatigeqquneqarpoq suliffeqarnermut ilanngaatip aningaasalersornissaa qanoq takorloonerlugu.

Taamatut oqaaseqarluta siunnersuut Aningaasaqarnermut Akileraartarnermullu Ataatsimiititaliamut innersuupparput.